

薛文清公全書

文集

三

文清公薛先生文集卷之三

門人關西張鼎校正編輯

歌

杜鵑行

昔讀古人書知有杜鵑名今泛沅江舫始聞杜鵑聲
杜鵑生子不自哺野老相傳之語如少陵惟有古來
稱望帝變化無端竟茫昧吾意百鳥相推尊亦如蜂
蟻君臣義氣化感物不自由四月五月聲喧啾一聲
未了聲轉急千林萬壑波濤秋遠客扁舟睡難著兩
耳還遭杜鵑聒歸心一夜憶虞廷鳴鳳時應集阿

閣

續杜鵑行

杜鵑變化有無寧復論百鳥之中乃爲衆鳥尊以茲
少陵托忠憤再拜謂是古帝魂我來何處聞逸響扁
舟夜泊沅江上林霏拂岸灘風清峽影沉波江月朗
乍遠乍近鳴未休聽之轉急如有求遠客毋勞厭惱
昭少陵忠義方難儔

壺頭歌

沅水南來幾千里亂石激濤蹴空起急梢官舫上曉
岩閑倚驛樓看山水隔江萬疊雲峰稠一峯平立名

壺頭云是伏波駐兵處至今石室留山陬憶昔炎綱
斷如縷草竊紛然據寰宇寧知田牧隱奇才揮斥奸
庸識真主西征實藉聚米忠南伐誰比銅柱功中興
諸將數籌畧直與賈鄧爭豪雄老身甘向邊郵歿誓
掃群蠻靜坤軸壺頭一死非無情天遣英靈鎮南服
跳梁小醜胡爲哉竟因遺筭稽顙來雖云未雪蕙苾
謗白璧本自無纖埃昔於青史歎高識今向荒山訪
遺迹怒濤猶帶薄伐聲愁雲似是忠憤積馬侯馬侯
真丈夫大器自與凡材殊廟食勲名幾千古英風激
我章句徒

驄馬行春歌爲陳侍御賦

五百啓運天地清群賢奮翼風雲生
九重治理達遠邇王度實藉執法明
同年才子青雲客意氣昂昂超等列
孤松聳壑見高標一鶚橫空歎奇絕
今年持節辭金臺青驄蹀躞萬里來
乃知霜雪達陽氣馬蹄到處山花開
邂逅沅陽話疇昔昔曾聯步趨文石
豸冠已覺凝秋霜繡服還應絢朝日
沅陽憲署情何多連床對榻同吟哦
吟哦未已欲將別索我驄馬行春歌
愧我詩才劣韓杜長篇險語急難就
強操紙筆爲君題掛一何止於萬漏
驄馬驄馬登周行攬轡直擬

清四方發奸凜凜息豺虎洗冤藹若回春陽古來豪
俊皆如此陳言雅欲追芳趾相將努力篤忠勤圖耶
英聲耀青史

歌風臺歌

素靈夜哭秋郊月漢祖吳鉤三尺血芒碭雲氣從飛
龍咸陽竹帛隨烟滅獨屈群策驅群雄漢中一旅紅
旗東韓卽對語識成敗董公遮說開天喪王者之師
仁以武諸侯効順力如虎關河百戰荻群雄垓下一
歌散強楚風塵盪滌天下清萬乘不忘布素情黃屋
歸來見鄉邑宴飲父老如平生酒酣拔劍高歌起歌

詞激烈振天地雄志深知大業難霸心尚思猛士倚
群兒逐和聲悠揚起舞四顧何慨慷樂極哀來淚沾
臆魂魄千秋思故鄉遂令此意爲湯沐獨承天寵何
優沃四百休運同始終三國遺民想興復至今有臺
泗水濱雄豪一去餘千春壤埴層層積蒼蘚平原漠
漠生黃塵我來正值清秋暮桑柘蕭蕭葉飛雨泗水
南流芒碭高霸業王風復何許徘徊重是古帝郊摩
挲石刻心勞焦俯仰秋天莽空濶杳杳鴻鵠凌風高
昆陽行

策馬從北來南涉沙河渡登岸得平原極目風景暮

暮天落葉何縱橫翻翻亂觸馬足鳴蒼山無數背人
遠前瞻忽及昆陽城城南湍水流城郭英雄事業猶
如昨白水真人在側微謹厚伊豈常情度是時炎運寒
如灰五威使者車奔雷慘慘三精雲霧塞蕭蕭九縣
颶風回真人一怒奮神武手握赤符興義旅昆陽大
戰開天功烏合如林散何許吾想當日嚴殺多洗兵
雷雨何滂沱潢川倒流虎豹伏亂麻屍積山嵯峨自
爾威聲震天地冤魁惡黨魂飄逝夏后周宣果再興
成功磊落光前世悠悠此事千餘年至今父老猶相
傳我來正值太平日戰地盡作桑麻田生平遊覽好

奇特徘徊吊古中
腸熱舉鞭一笑寒
天高萬里關河坐超越

襄陽歌

持節過樊城南渡漢江
曲漢江遠自嶓冢來遙望真
如鴨頭綠江千樓堞何崢嶸
壯哉快覩襄陽城少日
常思一遊覽今朝始遂來
經行經行處處遺跡滿
目蒼然悲思集後人遊似
前人遊古人憶是今人憶
鬱鬱峴山翠遥遥鹿門深
淺碑人墮羊祜淚隱君誰
識龐公心龐公一去已千
古尚有清風灑寰宇茂林
鳥宿魚潛洲區區劉表焉
能取城南習家池池水清

漣漪當日山翁酩酊醉風流未許他人知更尋王粲
宅留井峴山麓銅瓶無復汲深寒蔓草空餘覆幽綠
悠悠往事難具陳高名尚有隆中人師出二表鬼神
泣圖成八陣風雨頻乃知襄樊士風好由來英達何
草草漢水東流峴首高祇因配此名不了方今
明聖坐垂旒百年禮樂登虞周仁恩已滿天地大王
化久浹江漢流江漢遊女心如結士習詩書仰先烈
烏臺使者來作歌期與國風傳不歇

過鹿門山

西來漢水浸山根舟人云此是鹿門峭壁蒼蒼石色

古曲逕杳杳藤蘿昏亂峯幽谷不知數底是龐公栖
隱處含情一嘯江風清雙櫓急搖下灘去

遊沅州城南

迴環綠水流城隄出門一顧心懽怡連林竹樹猗蒼
翠綠江梅柳爭芳菲和風蕩耳沸蕭鼓晴日照水流
旌旗沅湘信美匪吾土中州久客還思歸

寄韻文林侍御

前年掛席趨北斗九月泊舟都門口綉衣人是同鄉
人騎馬江邊問行久龍江驛裏同徘徊呼酒飲我何
壯哉興酣往事真草草願傾東海添樽壘別後倏忽

幾寒暑吳江水落洞庭雨黔巫東望山嵯峨恨不高
飛挿翎羽丈夫本是重四方眼底道路如尋常風帆
早晚下吳會仍尋舊約歌慨慷

寄朱侍御歌

吾觀古來磊落大丈夫致身特達自與凡才殊若不
功作霖雨潤枯槁便當手持玉斧清寰區二者都應
不可得大田可稼長川漁生平抱此耿耿爛讀古
書極馳騁中年濫騎烏府驄幾載蠻荒苦便靜忽聞
按部同官來江山六月霜風回樓舡彈壓湖湘百怪
息憲節蕩拂溪洞雲烟開是時思得懽然一相遇何

意鴻鵠東飛燕西去令人凝望佳節過開盡冬梅老
春樹春樹纖纖柔葉多沅江江上浩烟波喜得瑤華
好音信興來獨立東風歌歌成寫寄憑雙鯉心事非
公復誰理會合悠悠自有時還期高議金門裏

黔陽江行歌

黔江轉急勢未已兩岸蒼崖削天起官船雙櫓疾於
飛倏忽雲林過百里生平胆氣尤崛奇三年蠻徼甘
奔馳惡灘險浪不經意白日自保公無私空囊敝篋
一何有滿束古書置前後船牕豁達涵虛明書中得
意寧容口忽憶江山千古長不知何日開鴻尾陰陽

爭勝鬼神急造化不停真宰忙千奇百怪氣參錯輕
飄重墜真清濁三光宣精四海明五行順序百卉作
有物不名復不凋泯默萬化常超超眼底江山未爲
壯大地比是猶毫毛感此人生浪自苦萬事悠悠隨
所與放歌一曲南風來坐對青天兩無語

鶴山小隱

大江之右多奇峯天台遠與羅浮通鶴山蒼蒼在何
許嘉名獨擅東南雄中有隱士好事者作圖遠寄烏
臺下烏臺柱史隱士交持卷索我揮狂毫開圖指點
山佳處峭壁廻巒簇烟樹澗花流出山中春松風掃

遍溪頭路數椽茅屋何蕭然白雲簷宇常周旋讀易
已了嘉遯趣作詩或賦招隱篇此境初從柱史說令
人掩卷想奇絕振衣千仞或可期萬里雲霄坐超越

憶昔行

憶昔年纔十二三老親携我遊西南西南道路蜀山
裏累月不盡經巉岩當時正值春光麗紅紫千林
競妖媚綠蘿覆遙搖溪烟清風掠面送花氣羈懷未
解怯險艱青泥板滑石磴盤路夾陰崖白日暮梯凌
危棧蒼空寒寒空石壁挿江脚斷痕疑是鬼斧鑿倒
懸古木星斗迷亂灑流泉風雨作憑空一望山疊重

炯溪霧谷相鬱滯積陰絕險足妖恠深叢大野多蛇
龍復有劍閣橫天絕時清關險成虛設關南石龕夜
宿時子規叫落龕前月成都開豁自一川盛夏又泛
岷江船蠻中忽忽幾寒暑新正乃有中州旋骨肉相
隨千萬里回首舊遊如夢裏三十年來白髮生坐想
雙親淚如水

井陘懷古

并州東下幾百里太行古道石磊磊山開忽見一掌
平中有孤城入雲起憶昔白蛇中斷時韓侯曾此驅
雄師伐鼓安安出天險趙壁指顧皆紅旗雄豪破滅

如反掌遂使英聲走颶響至今泚水向東流戰骨成
塵惟草莽侯也之功良已多五湖其負扁舟何行人
莫問井陘事悲風慘澹來山阿

驄馬行春爲張侍御賦

禹跡旣萬里天關亦九重明明日月理無不照幽情
隱恤孰使之通維時新春二三月處處熙陽達冰雪
繡衣驄馬者誰子脩自清冥下霜鉞芳草萋驄馬嘶
遙遙行部東還西攬轡貪觀紅樹好揮鞭不覺蒼山
低馬啼遍征路蒨屋春華露郡邑蜚聲吏不驕梟獍
屏迹民安作驄馬來風雲開回塞作煖蒙 帝力萬